



Na osnovu čl. 19. i 141. Statuta Općine Novo Sarajevo („Službene novine Kantona Sarajevo“, broj 5/20 - Prečišćeni tekst i 20/20 - Ispravka), člana 3., a u vezi sa članom 123. Poslovnika Općinskog vijeća Novo Sarajevo („Službene novine Kantona Sarajevo“, broj 24/19 - Novi prečišćeni tekst i 20/20), Općinsko vijeće Općine Novo Sarajevo na 3. hitnoj sjednici, održanoj dana 10.02.2021. godine, donijelo je

ZAKLJUČAK o tajnom glasanju putem mobilnog tima

I

Ovim Zaključkom se reguliše način glasanja vijećnika Općinskog vijeća Novo Sarajevo koji su u izolaciji, zbog zaraze SARS-CoV-2 virusom i oboljenja COVID-19, za izbor vijećnika u Gradsko vijeće Grada Sarajeva.

II

Vijećnici koji su u izolaciji zbog zaraze SARS-CoV-2 virusom i oboljenja COVID-19, dužni su dostaviti dokaz o izolaciji ili dokaz da su COVID-19 pozitivni, u vremenu za kada je zakazana sjednica Vijeća za izbor vijećnika za Gradsko vijeće Grada Sarajeva.

III

Nakon što završi tajno glasanje svih prisutnih vijećnika, u sali u kojoj se održava sjednica, Predsjedavajući Vijeća će dati pauzu u zasjedanju, u toku koje će mobilni tim, koji čine svi prisutni članovi Komisije za izbor, imenovanja i javna priznanja (u daljem tekstu: Komisija), otići na adrese vijećnika, koji su u izolaciji i omogućiti im da ostvare svoje pravo na glasanje, kao izabrani dužnosnik.

IV

Svaki zainteresovani vijećnik, u svojstvu posmatrača, može prisustvovati glasanju putem mobilnog tima.

V

Glasanje će se obaviti na način da će se koristiti dvije prazne otvorene glasačke kutije, koje će biti predložene svim prisutnim vijećnicima, kako bi se utvrdila njihova ispravnost, nakon čega se kutije zatvaraju i pečate numerisanim plastičnim pečatom, čiji broj se unosi u zapisnik o glasanju.

Jedna kutija će biti korištena u sali gdje se odvija glasanje, a drugu koristi mobilni tim, za glasanje vijećnika koji se nalaze u samoizolaciji.

VI

Vijećnik, koji se nalazi u izolaciji, će u tajnosti glasati, presaviti glasački listić i ubaciti ga zapečaćenu glasačku kutiju, u prisustva članova mobilnog tima i posmatrača iz reda vijećnika.

VII

Po povratku mobilnog tima, najprije se otvara glasačka kutija, koju je koristio mobilni tim i istresaju glasački listići, na površinu na kojoj će se vršiti brojanje, a preko tih listića istresa se sadržaj glasačke kutije koja je korištena u sali za glasanje, nakon čega, proces izbora vijećnika za Gradsko vijeće Grada Sarajeva, teče na način propisan Statutom i Poslovníkom Općinskog vijeća.

VIII

Članovi mobilnog tima će upoznati vijećnika koji je u izolaciji sa ovim Zaključkom.

IX

Predsjednik Komisije, koji je ujedno i Predsjednik Mobilnog tima, rukovodi radom mobilnog tima i odgovoran je za njegovu ispravnost i zakonitost.

X

Ovaj zaključak stupa na snagu sa danom donošenja.

Broj: 02OV-04-1294/21
Sarajevo, 10.02.2021. godine

ZAMJENIK PREDSEDavajućEG
Općinskog vijeća Novo Sarajevo

Džaka Nijaz



Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun (račun za prikupljanje javnih prihoda): 1411965320011288 Bosna Bank International d.d.;

Transakcijski računi (za isplatu svih obaveza): 1610000019280022 Raiffeisen bank d.d. Sarajevo;

1411965320011191 Bosna Bank International d.d.;

102050000098065 Union Banka d.d. Sarajevo; 1413065320060897 Bosna Bank International d.d.

